
یوہ آکا شوانی جموں ہے عبدالرحمان تیں خبر سُنو۔

PREZ PRAVASI BHARTIYA

صدر جمہوریہ محترمہ درویدی مُرمو اج بھونیشور مانہہ ۸۱ ویں پرواسی بھارتیہ دیوس کنویشن مانہہ شرکت کرینگی تے تقریباً ۵۷ مُلک تیں آن آلا غیر مقیم بھارتیہ بڑا اجتماع سنگ خطاب کرینگی محترمہ مرمو بکھ بکھ سعبان مانہہ بہترین کارکردگی واسطے بیرون مُلک بھارتیہ برادری غا ممتاز اراکینانہہ پرواسی بھارتیہ سمان وی پیش کرینگی اسے دوران وزیر اعظم نریندر مودی نے کل بیرون مُلک بسن آلی بھارتیہ برادری غا اُس اہم کردار ور زور دتو جہیڑو مُلک نانہہ ۷۴۰۲ تک ایک ترقی یافتہ قوم مانہہ تبدیل کرن مانہہ پیش پیش ۰۱۱ بھونیشور اوڈیسہ مانہہ ۸۱ ویں پرواسی بھارتیہ دیوس کنویشن ۱ گو افتتاح کرن توں بعد حاضرین سنگ خطاب مُلک رہ رہیا بھارتیہ برادری نانہہ دُنیا واسطے مُلک گا صفیر غا طور ور خدمات انجام دین غی تعریف کی۔

CM REVIEW MEETING

وزیر اعلیٰ عمر عبداللہ نے کل تمام سرکاری محکماں غا کم کاج غو جائیزو لین واسطے ایک میٹنگ غی صدارت کی۔ سول سکرٹریٹ جموں مانہہ منعقد اس میٹنگ غے دوران انتظامی سیکرٹری نے نظریاتی دستاویزات پیش کیا جن مانہہ ۲ مخصوص مدت ۰۰۱ تہاڑا تے ۱ سال غے اندد اہداف غا حصول غو خاکو پیش کیو جن مانہہ اہم کم یا نتائج جہیڑا حاصل کیا جانا ہیں اُن مانہہ بڑا پالیسی فیصلہ منصوباں غی تکمیل تے خطہ مانہہ نویں ترقیاتی پہل شامل ہیں میٹنگ غو جائیزو لیتا واں وزیر اعلیٰ نے شفافیت جوابدہی تے عوامی توقعات ور پورا اُترتاں واں پیشرفت نانہہ اگے بدھان واسطے اجتماعی کوششاں ور زور دتو میٹنگ غے دوران کارکردگی نانہہ بدھان منصوباں غی مدت ور عمل کرن تے منصوباں غی تیزتر عمل آوری نانہہ یقینی بنان واسطے حکمت عملی ور توجہ مرکوز کی گئی۔

CM NSS CAMP

وزیر اعلیٰ عمر عبداللہ نے جموں مانہہ گورنمنٹ ذنانہہ کالج گاندھی نگر مانہہ پہلہ خواتین قومی ایکتا کیمپ غا افتتاحی اجلاس سنگ خطاب کرتا واں بھارت غی خواتین غا اختیار مانہہ ترقی پسند تاریخ ور زور دتو اپنا خطاب مانہہ وزیر اعلیٰ نے کہیو جے اس ملک تے مساوات تے انصاف غا اصولاں ور ترقی کی بے اور پہلہ بی انتخاب مانہہ خواتین نانہہ ووٹ غو حق دتو اُنہاں نے تخصاں تیں ہٹ غے مساوی عوامی نمائندگی غے زریوے حقیقی با اختیار بنان غی ضرورت ور وی دور دتو این ایس ایس غے ذیر اہتمام ہفتہ پھر غا کیمپ مانہہ ثقافتی سرگرمیاں ور کشاپ تے مقابلہ شامل تھا صحت تے طبی ٹیم غی وزیر ستینہ اٹو اڈیشنل چیف سکرپٹری سانت متو نے وی تقریب سنگ خطاب کیو تے قومی ہم آہنگی ور امن نانہہ فروغ دین ور زور دتو۔

PMGSY IV PHASE

جموں کشمیر مانہہ پردھان منتری گرامین سروس یوجنا غا چوتھا مرحلہ نانہہ موسم سازگار اس غی قوت مانہہ بہت جلد شروع کردتو جے غو اس بارے نائب وزیر اعلیٰ سریندر چوہدری نے ایک جائیزو میٹنگ غی صدارت کرتاں واں کہیو جے میٹنگ مانہہ دسیو گیو جے ۹۹ عشاریہ ۵ فیصد نانہہ پہلی مرحلہ غے تحت سڑک رابطاں سنگ جوڑیو جے غو۔

SATISH JATINDRA MEET

سائنس وٹیکنالوجی غا وزیر ستیش شرما نے مرکزی وزیر جتندر سنگھ نال ملاقات کرغے جموں کشمیر مانہہ ترقیاتی کماں بارے تبادلہ خیال کیو تے بل خصوص دیہی وسرحدی علاقان غی ترقی ور توجہ مرکوز کرتاں واں غور کیو گیو اس ملاقات غے دوران جناب ستیش شرما نے جموں کشمیر غا وسیع قدرتی زرائع نانہہ اُجاگر کرتاں واں آبی ذخائیر غی دولت بارے کم غی خاطر فضیلتی مرکز قائم کرن غی تجویز غو ذکر وی کیو اُنہاں نے بایا ٹیک پارک غا جلد قیام آرمہ تے پھلانی مشن غا نفاذ اور خطہ مانہہ سٹارٹ اپ ایکو سسٹم نانہہ فرقع دینن ور زور دتو گل بات مانہہ سائنس ٹیکنالوجی تے اختراعات غا نواں پہلواں نانہہ وسعت دین یا تلاش کرن اور سرحدی سیاحت غا فروغ ور وی توجہ دتی گئی مرکزی وزیر ڈاکٹر جتندر سنگھ نے چایا گیا ان مسائل ور فوری کاروائی غی یقین دہانی کروائی۔

ICU

محکمہ صحت غی طرفوں گاندھی نگر جموں گا ہسپتال مانہہ خصوصی آئی سی یو وارڈ قائم کی گئی ہیں تانجے ایچ ایم پی وی وائرس غا پھیلاؤ غی تناظر مانہہ صورتحال سنگ نمڑیو جاسکے۔

WEATHER HIGHWAY

محکمہ موسمیات نے پیش گوئی کی ہے کہ کل جموں غا میدانی علاقان مانہہ عام طور ور ابر آلود موسم رہ غو تے ہلکی بارش غو امکان ہے جدکہ کشمیر غا اُچائی آلا علاقان مانہہ برف باری ہوسکے دوجی طرف مارا

نمائندہ غی رپوٹ غے مطابق جموں سرینگر قومی شاہراہ ور ۲ طرفہ گدیاں غی آمدرفت معمول غے مطابق جاری رہ غی تاہم مُغل سڑک شدید برف باری غی وجہ تیں بند ہے۔

RTO JAMMU

ریجنل ٹرانسپورٹ آفیسر جموں پنکج بھاگوترا نے اعلان کیو ہے کہ ۴۱ جنوری ۲۰۲۵ تیں ڈرائیونگ ہنر ٹسٹ گو مرکز کھان پور نگرہ تیں بدل غے کھینک کوٹ بھلوال غا ڈرائیونگ تریقی و انعقاد ادارہ مانہ منتقل کیو جے غو آر ٹی او نے اس گل نانہ وی اُجاگر کیو ڈرائیونگ ٹسٹ بوکینگ صرف سراتھی پورٹل غے زریوے آن لائن وے غی تے شفافیت واسطے ٹسٹ ویڈیو نگرانی گے تحت کرایا جیں غا آر ٹی او جموں نے عوام تیں اپیل کی ہے کہ وے محکمہ ٹرانسپورٹ غی طرفوں پیش کی جان آلی ۸۵ خدمات گو فائدو چائیں۔
جہیڑی آن لائن دستیاب ہیں۔

NEWS READ BY ABDUL REHMAN

DEO: NUSRAT

SKILLED: RAJAT

TECH. ASST.: PALLAVI